

與古齋琴譜

與古齋琴譜卷三目錄

學琴備要

學琴要務總說

琴體統稱

并圖

琴面諸名

并圖

琴底諸名

并圖

琴前後名

并圖

琴腹諸名

并圖

辨古斷紋琴真贋

辨弦優劣

製琴弦法

并圖

緊定弦性

并圖

撥剏

并圖

絨剏穿軫法

并圖

結蠅頭法

并圖

安弦法

并安絃手法圖

安絃正背面圖

安弦次第

囊護

并圖

掛鉤

并圖

行篋

并圖

藏樹

并圖

拂蓋

并圖

行坐案机

并圖

橫琴設薦

并圖

坐位身首頸肩手臂肘腕足膝各規

并圖

下指

堅護指甲漆

調和弦法

曲譜字解

按譜鼓曲奧義

念工尺法

按彈看譜架

并圖

考存琴譜

附譜目曲操名

製琴曲要略

與古齋琴譜卷三

兄秋齋先生講授


浦城祝鳳喈桐君

學琴要務摠說

琴爲雅樂古君子無故不徹皆能精通其奧妙者也迨唐宋間好尚新聲盛傳燕樂此調不彈已久今之鼓琴旣乏名師相承又無善本可考世俗授受但識按彈僂爲能事其于琴中名義全體等用尚未深知安得精通其奧妙哉茲輯凡有關於琴者周詳畢備以爲學習知所先務則庶乎其近道矣

琴體統稱

琴面圓而覆者爲上、琴底窪而仰者爲下、琴首俯而廣者爲前、琴尾殺而狹者爲後、其兩邊則斜而直者爲左右矣。





琴面諸名

琴首爲額、額次微高爲承露、有七孔曰絃眼、以出絨剝者、連接承露而高起者爲岳山、又名臨岳、岳內八九分爲起項、項中爲頸、由頸舒濶者爲肩、而漸狹至腰、腰中則收束之、腰末又稍寬爲起尾、尾盡兩邊有稜角、故曰冠角、因蔡中郎得爨餘桐製琴、又名焦尾、琴面中至盡尾而微高者爲龍齶、琴面之左有十三枝圓者爲徽、又曰暉、其序自近岳爲第一、以次近尾爲第十三也、岳齶上架絃七、其序自近暉爲第一、以次近身爲第七也。

琴底諸名

通體如面式形似仰瓦在額下者曰噤在承露臨岳界下者曰軫池池孔七如弦眼直透承露肩下底中有長方孔謂之龍池居四七暉界腰中近邊有小方孔二以安兩雁足居九十暉界尾前底中有次長方孔謂之鳳沼居十暉十三暉界尾盡如齷而半納者謂之齷托






琴前後名

額前邊向形如覆舟又似偃月中含若舌口開微露者曰唇舌兩傍垂懸二足爲鳧掌又曰護軫尾後邊向上聳而下削中凹而上寬下狹者爲含絃之所



琴腹諸名

岳外際絃眼相通離岳界八九分卽爲起空左右各畱邊
畱木池沼兩處比空稍高者謂之納音安雁足處亦須畱
木外半月而內孔方是爲足池尾盡之中及兩傍所畱之
木中爲承音傍爲尾實腹中設天地二柱天圓而地方天
柱在三四暉之中地柱在八九暉之中



辨古斷紋琴真贋

琴歷年久遠灰漆性氣化盡則起斷紋然有三種初歷七八十年者始起牛毛形其紋細而橫迨至百餘年者則起蛇蚶形紋粗而橫雜又久至二三百年者成爲冰裂五六角形縱橫駁雜故名梅花斷牛毛蛇蚶斷者不乏常有冰裂梅花斷者偶見一二凡斷紋非琴所必需但知其歷年之久而已然于聲音之絕妙不在是而在材質之美者又以歷年久爲勝若材質不美製工庸劣雖梅花斷紋亦不足以供撫弄好古之人惟以斷紋爲貴圖觀虛設而已可

也善彈之士則以音妙爲佳不必其紋之斷也斷紋古琴亦須初製時灰漆精良則不致於起壳剝落間有之處尚可補修猶供撫弄倘初製灰漆不佳亦不必歷至數十百年或一二十載而起斷紋者有之但每多剝落蓋由於灰漆不佳或非漆灰而用猪血調灰者久則不能粘貼於琴木之上而致易於起壳剝落耳不堪指按何能撫弄此則不以斷紋爲美須將舊灰概行削去再用新漆灰髹好豈得以漆卻斷紋爲嫌乎古琴歷久而自成斷紋者以手抹之原無鋒稜窒碍之病若假製者乃以新漆灰之琴待太

雪時積雪長匣內

如琴長大而寬舒之

厚四五寸另製長爐

如琴大各加

數寸置炭煉紅將琴架於爐上不遠不近烤之

遠則不熟近則過焦

俟極熱速入雪中蓋漆灰經烤極熱驟入冷雪之中頃刻

裂成斷紋冷復烤熱再入雪中如是數次則琴周體皆成

斷紋惟其灰漆性氣未化視之如新抹之碍手

有鋒稜者真廣

之辨即此衡鑒

辨絃優劣

絃之工者視其一二三四絃皮外所纏一層之緯須扁而

緊結貼實相粘如一生成自頭至尾一勻圓整而無粗細

接續疙瘡痕迹其五六七絃亦以緊結如貫珠然均須膠水明亮透澈爲佳若外纏一層之緯圓而寬鬆必致皮膚相離纏之若不勻整必致節大節小緯若有斷接必致疙瘡此則製工之劣者也絃製出於江蘇、杭州、杭省爲最嘉慶道光初年閒有沈氏名軼先者製極精工太古中清加重三種中清尤佳其絃皆黯黑色緊結圓整明亮可變惜其子不承業今失傳矣近惟紹興魯氏一家與沈氏同學於李世英之門沈氏有出藍之譽而魯氏不及焉李氏自北宋造弦擅名傳至數百餘年今其子孫竟無相繼琴爲

古調世好者鮮其絃歲售不多故業習少而傳不精矣

製琴絃法

絃以柘蠶絲爲上桑蠶絲次之原蠶

二
牙
也

絲又次之柘清

而桑柔也絃之巨細自一以次其七以綸數之多寡定之
其一二三四絃乃于成絃後外再加纏緯製法有中清太
古加重三等中清爲適宜皆于成絃後用料膠煮之

配絃綸法凡蠶吐一絲成繭每綸聚十二絲過多則太粗
不及則太細一絃百零八綸二絃九十六綸三絃八十一
綸四絃七十二綸五絃六十四綸六絃五十四綸七絃四

十八綸此中清也太古每絃加二成加重每絃加五成中清每副約重三錢五分太古每副重四錢二分加重每副重五錢二分

撻合絃法先取配定絃綸長八丈勻分三股或四股每綸用墜腳重四錢左旋撻極緊右轉合成絃約計長六丈可截爲十縑絃

煮絃法以撻成之絃捲于六寸長小竹管上用新砂盆平

底者

新鐵盆亦可

高八寸徑四寸可容捲絃管八箇放盆內用

料膠水浸沒絃管上二分許太深則絃軟太淺則絃硬以

文武火煮之候料麥熟爛卽止煮太生則絃聲不勝木聲不久便無聲煮太熟則絃聲不清亮而易斷臨煮須試中其度明瑩勻透爲佳取入冷水略漂去絃外膠漿急取出以絃兩頭拉緊晒乾

料膠用明亮魚膠五兩

先煮化

小麥一勻

揀洗淨

明瑩白蠟

五錢白芨五錢

切片

桑白皮一兩

刮洗剉片

天門冬十箇

切片

用長

流水共入砂盆內熬好此料可煮絃十副凡用舊之絃以此膠水浸透晒乾其音如新或用桑葉搗汁浸舊絃亦可其色碧耳

纏絃法先以六綸之絲爲緯

橫爲緯直爲經

極長爲宜亦捲于小

竹管上同絃煮好另製棗木車床堅重爲妙將捲緯管活

裝在車牀可旋再取絃長一丈二尺兩頭拉緊一橫平直

繫之

或繫于左右楹柱

以車牀穿掛絃上將緯頭穿入絃股然後

兩手搖絃令車牀自翻旋轉因而管上之緯隨旋退出挨

次纏于絃身但緯在車牀其管雖活裝其筍

管兩頭爲筍

宜緊

澁令緯雖退出則纏能貼實又于車牀上用鐵圓樑二以


緯夾縫內

兩樑縫內


令緯扁勿圓全在此得法則渾一無迹緯

斷將絃鬆用針引入絃股內須無接疤再續纏上此絃各

頭離一尺餘起畢纏之中翦爲二甚優三四六七之絃彈按多且細而易斷其纏與長宜勝于一二五之絃一尺餘以備斷時尚敷再用初學琴者彈按指甲用力傷絃練用適勁則避煞聲而絃可用久矣

車牀用堅重之木剝而獨成如式兩頭昂起而中凹兩昂頭中鑽眼各一可容穿絃兩眼下橫圓鐵樑二竝平而中離窄縫以夾緯扁令不圓也樑各頭下中開小孔如捲緯管大以孔爲雌筍以管爲雄筍偃活裝上可旋而宜緊澁也牀木倘輕於其底處嵌鉛鐵鎮之令搖旋得力爲要

車牀掛絃式




此頭繫緊

此頭繫緊



捲緯管




車牀式

緊定絃性

新安琴絃易於退鬆每彈一曲未終而音調已失先將絃性緊定然後安之于琴則彈無易音之病。漆用硬木製長五尺厚一寸濶二寸半正背兩面平直兩頭方正其一頭離三四分開孔透面背長四寸濶一寸五分左右兩側面開七圓眼相通左三右四稍大左四右三稍小以便安軫其一頭離四五分鑽小孔七透面背以便安剎于面四背三各相間一面背上下皆設齮以便架絃將七絃均結繩頭一二三四絃穿入面剎內五六七絃穿入背剎內扯緊

絃尾均穿入軫眼將軫轉絃則絃漸緊一日軫轉三五次
三五日後取用則弦性定矣




撚到

到用綉花絨線色宜淡綠香黃爲雅紅紫則俗長以三尺
四五寸爲率約重三錢勻爲七束每束兩端以一端令一
人對立在左捏住其一端自捏右手大食兩指將線頭向

內左旋漸漸撻緊、緊後將線對中折轉、以兩端併齊捏住、任其兩股自旋合成如繩、再於兩端併齊處、另用線紮之、使勿退鬆、或打一結亦可、




絨剗穿軫法

將撻成絨剗、以其中折一頭、由軫底孔穿入於軫腰孔、透出將剗作交股、如  式、左在上、右在下、套於軫頸、再將剗頭、由軫頸孔穿入於軫頂孔、透出、然後頭尾抽緊、就是、

一、泔軫不用腰孔，以剗頭由底孔穿入於頸孔，透出仍作交股如前，復由頸孔穿入於頂孔，透出亦以頭尾抽緊，又泔以剗頭由底孔穿入於頸孔，透出將剗分一單股，剗原兩股合成者，茲用其一股是也。繞於軫頸，再以雙股撚轉成繩，仍由頸孔穿入於頂孔，穿出亦頭尾抽緊，此則免一腰孔，軫更牢固。又有軫不用頸腰兩孔，祇一頂孔，直透底孔者，以剗頭由底孔穿入，直上頂孔，透出將剗尾靠底孔作一結，以碍之，令其剗不過於岳面，此則軫無頸腰兩孔，尤其牢固而更捷便者也。凡剗穿軫將剗之中折一頭，穿出軫頂孔者，其長


較定總以自軫池透出承露至岳面內際毋過不及爲度
 法用五寸長銅針一枝大如絃眼一頭曲轉一頭微鈎將
 針由承露絃眼透下軫池鈎住剏頭扯上再以細繩繫剏
 頭拉過岳內際較其長短適宜以剏出軫項爲收縱用針
 鈎剏繫繩者乃使剏入絃眼以繩可令上下爲便捷矣



結蠅頭法

七絃均宜結蠅頭以入絨則安絃令不脫也。法以絃頭折轉三分作兩折轉令絃頭居中朝上其初折在下轉右二折在上轉左故絃頭居中而朝上也。以左手大食兩指捏住右手將絃向外作交股圈套於兩折轉之中抽緊便結如蠅頭矣。式以左右若兩眼正面之中如直鼻其背面必得交股之形則穿入於剗扯緊而抵平貼於岳矣。竅在作圈套上抽緊撥轉之際而成式也。須以整小爲妙。圖繪大體示易曉耳。

安絃法



以絃順序穿入到內扯緊蠅頭令正面向上背面向下有
 者為面交到以至岳面內邊為度過則安絃音啞而不亮
 服者為背到不及則音烈而不潤矣法以琴豎杌中尾朝上首向下用
 布墊首不滑將絃掛上龍鬚口排勻位次拉過至雁足界
 以絃尾繞於右手小指出名指外入中指內大食兩指捏

緊其絃

兩指捏緊則絃不繃指


用勁拉下再以左手大食兩指向琴

面將絃捏緊漸漸推至齟邊以助絃過琴背使右手易於拉緊有用鶯翎管墊齟者免其齟口鋒稜損絃又免絃不傷齟且滑易拉一舉三善較絃以左手名指按位大指撥響試音既定再以左手用力攀壓琴尾右手將絃緊拴於雁足勿令退鬆此法雖以小指繞絃其用力全在大食中三指捏緊之勁故小指不疼有用布帕繞絃如泐安之此初學不知用勁避疼而然每絃初纏雁足必緊靠琴底毋稍離縫俟纏畢時將絃尾插入拉下貼緊毋庸締結

按撥試音




攀壓琴尾




繞指拉絃



助絃過轡



安絃正圖



安絃背面圖



安絃次第

初安五絃以不鬆不緊爲度

鬆則安至弟一絃太慢無聲緊則安至弟七絃太急而斷

再安六絃如法按撥

左手名指按位大指撥其散按兩絃是也以次皆然

先按五絃

十二暉次撥六絃散聲及五絃按音兩相應爲準如音在

五絃十二暉上相應則六絃散聲緊宜鬆在十二暉下相

應則六絃散聲鬆宜緊矣次安七絃其鬆緊以與五絃十

暉相應爲準此五六七絃逐一拵於右邊雁足然後安一

絃按其八暉與五絃散聲相應爲準如按應在暉上則散

絃緊而按絃鬆宜緊按絃應在暉下則散絃鬆而按絃緊

宜鬆按絃次安二絃按二絃九暉與五絃散聲相應次安
三絃按三絃十一暉與五絃散聲相應次安四絃按四絃
十三暉與五絃散聲相應或按四絃十一暉與六絃散聲相應皆以逐次所
安之絃之鬆緊爲收縱已經安定之絃之音位爲主範此
一二三四絃逐一拴於左邊雁足所謂相應者乃一按一
敲兩絃同聲而成仙翁二字是先安五絃而不先安一
絃者恐一絃安緊及安至七絃必急而斷矣淮南子曰大
絃卽一絃緊也則小絃卽七絃絕斷也卽此意耳

囊護

琴須用囊護以避風日雨雪以免塵垢囊用文錦爲美香黃月白絢綢次之細印布又次之裁製照面底體式面幅宜稍寬蓋面篷而底平也否則不能熨貼裏用月白綢布均可中鋪薄棉鳳沼處照式開孔便於懸掛龍池處亦然便於手攜囊自琴尾套至琴首其面底二幅須一幅宜長於琴尺許則可包過或由面包過底或由底包過面安二帶以束之護之製亦如式惟池沼兩處不開孔原避雨雪也以油綢或油布爲之備雨雪時行用須面底兩幅並長於琴尺許任從包過面底亦用帶束使溼不透入爲妙

囊



單幅包
過琴首



護




雙幅包過琴首

掛鉤




琴宜懸掛不可日久橫置恐致折腰之病掛處忌風日潮

溼之所宜木柱木壁櫺格等處鈎製或銅或鐵鈎頭須圓
扁長五六分鈎身長一寸五分濶四分厚一分餘鈎尾長
半寸餘尖銳如鼠尾另用硬木片長五寸厚四分濶五分
中鑽一眼以鈎尾插入轉腳釘平木片兩端各鑽一眼用
寸長小泡釘平釘去聲於柱壁上以便於起移別處掛之鈎
頭週身宜用綢布紮之以免損傷鳳沼又添以竹片長寸
半厚二分中濶三分鑽一小孔兩頭削圓用繩兩股長六
七寸一頭繫孔內一頭以小泡釘釘掛柱壁上將竹片直
入鳳沼內而橫擔琴此尤穩便




行篋

遠行琴隨宜篋裝以避損篋製長四尺餘高八寸濶七寸
前側面用平插蓋防水入內分爲上下兩層每層用隔板
一片照琴軫足鳧掌處開孔安琴平貼不動其一隔板設
篋內離底二寸許底面上先設橫檔二而勻三格抵架隔
板裝琴一張三格處作抽屈可藏琴具如絃軫鉤槌剪類其一隔
板設篋內之半先於左右後三側邊釘檔以架之又裝琴
一張篋與蓋內外以柿油糊貼棉紙乾後用熟桐油刷之
使不透雨爲要



藏櫥


收藏多琴須置櫥內製用杉桐均可身高五尺架高一尺
濶三尺深一尺六寸櫥內分爲三直兩格隔板每厚一寸
濶一尺五寸每格上下各設檔二中離空如隔板厚令隔
板活裝可出入而便取藏每隔板二面及櫥內兩邊板各
設鈎二以掛琴共可藏琴十二張矣




拂蓋

常彈琴設案閒或塵落琴面或彈指甲中亦有垢落於四
暉上岳山內而皆在絃下者宜拂刷之製用竹二片合之
爲柄長三四寸濶二寸一頭割開選長猪鬃在猪背脊洗淨以
夾于其內露長二寸餘須調麪漆膠之或以紫檀製爲雅
柄將鬃嵌入膠好亦妙有用綢布手巾入絃下揩拭琴面
尤其捷便常彈琴者或晝夜琴橫案上須用蓋之製綢夾
裏長于琴數寸撫時置琴下爲墊息時蓋琴面可避鼠
之汚

蓋



拂



行坐案机

琴案忌高机忌低案有二式一便移行一置齋中俱高二

尺一二寸長四尺二寸闊一二尺行案面製爲四匡各厚一

寸中空隔一檔闊厚寸許分左右空左空三尺三寸右空五寸檔下兩頭各

豎短柱長五寸許橫以托板另製匣嵌左以匱聲也又製句股式




橫一架二各於三角豎柱爲足四方半分設左右以安案面

統如度高案面匡厚及架共左架上節亦設托板一與檔


下者平竝托其匡卽成案矣置齋案製式相同惟案面信

闊可橫二琴對彈毋庸活裝各繪分合圖式如左


式圖繪分案設行





式匡而案裝架右左



式備全匣裝面案



坐設案全圖式




机
 一尺五六寸
 四寸

坐設案圖

橫琴設薦


琴橫案上首在右尾在左鳧掌與軫落案面下雁足置案面上此爲特製琴案而然也若尋常几案橫琴則以軫離案右約三四指寬便於軫絃不置案中宜近案邊便于下指薦製一對不拘布綢用軟皮尤妙長五寸濶二寸表裏如一內實以細砂厚薄得宜周密縫之使砂不洩一墊于琴底頸閒一墊于兩雁足處令其平穩不動琴不用薦則彈案着力時必推勁薦以水微潤則更粘貼案面尤其安穩不移矣

常案圖式



坐位身首頸肩手臂肘腕足膝各規

坐杌宜高琴案宜低身宜離案半尺心對五暉之間首正勿垂頸直勿偏肩平勿聳背豎勿鞠兩膝齊開足跟相向如八字然切忌箕踞亦如射法志正體直但射乃立體此則坐體切勿因是而如木偶至左右兩肘臂爲按彈運動之樞機週身氣力藉以貫通焉撫琴者但知用力在指然不知先由於肘臂也要在使臂離開兩脅兩肘舒展如鳥舒翼若環哀然兩腕宜懸勿倚於琴則按之上下彈之出入均得靈活而無滯澁之病矣



下指

下指全在按彈兩手指取勢如法而得自然初學一一照依各指法詳指法圖說篇取勢習練純熟先宜去其病忌恐其習慣成性久則難以更改必須時時自省或與同學彼此相規尤易進益久則自臻妙境也

一忌大指按絃以食指捏于大指作圈幫貼用力

一忌名指按絃末節凹下不能凸出謂之折指

一忌名指按絃以中指壓于名指上幫貼用力

一忌大指按絃純用甲立甲肉相干而不避激烈聲

一忌會指彈絃大指捏緊而不活動

一忌左右手各指不知取勢左手各指或粘連伏于絃上右手各指或擎拳靠在岳邊

一忌左右兩腕倚靠琴面而不懸空

一忌兩手小指屈曲而不伸直

堅護指甲法

人手指甲有剛柔不同剛者彈按有勁柔則軟弱易斷法以生薑白芨等分切片水熬濃醮指甲上久漸堅硬有力或用川椒同指甲末水煎醮之或以殭蠶燒烟薰之均可

令指甲堅厚、有用鷺翎管、翦小片、以魚膠粘貼左手大指甲邊、使彈不傷、名曰護指、

調和絃法

左右兩手、悉照指法、左手名指按五絃十暉、右手先挑七絃散聲、後勾五絃按音、相應、以得仙翁二字、若應在十暉以下、則五絃音高、而七絃音低、應在十暉以上、則五絃音低、而七絃音高、或緊慢五絃、或緊慢七絃、必使與十暉位、相應、同聲、即仙翁二字爲準、此初調絃、原無主定、可以隨意緊慢、若既經定準、此絃、則以爲之主、其應緊應慢、惟將未定

之絃緊之慢之其已定準之絃不可妄爲緊慢也次則左手大指按四絃九暉右手挑七絃散聲勾四絃按音相應同聲如應在九暉上下只可將四絃緊慢未定之絃若改動七絃已定之絃則與五絃已定之絃不相應矣五七四絃已準次則左手名指按四絃十暉右手挑六絃散聲勾四絃按音相應同聲如應在十暉上下惟將六絃緊慢不可改動四絃恐與七絃不相應矣五七四六絃已準則如前法按三絃十暉八分與五絃散聲相應按二絃十暉與四絃散聲相應按一絃十暉與三絃散聲相應惟按一絃用中指餘絃皆

用名指其右手則挑散勾按而成仙翁者也此爲小閒

中隔

一絃調法再用左手大指按四絃九暉右手挑七絃散聲與

勾四絃按音相應次則按三絃九暉與六絃散聲相應又

按二絃九暉與五絃散聲相應又按一絃九暉與四絃散

聲相應皆用大指按之其右手亦挑散勾按而成仙翁者

也此爲大閒調法

中隔兩絃

再則復托七絃與勾二絃托六絃

與勾一絃兩俱散聲而成仙翁或各一按一散或各俱按

亦成仙翁其按皆在七暉者也按一絃用中指按二絃用

名指按六七兩絃則用大指皆取其便于運用者也小大

兩閒調法既准又當以泛音調之亦有小大閒之法如左

手大指浮

浮於絃上

按七絃九暉名指浮按五絃十暉右手挑

七勾五兩絃而應仙翁次則如法而施於六四兩絃五三

兩絃四二兩絃三一兩絃皆應仙翁惟五三兩絃於九十

暉

五絃九暉三絃十暉

不應而應在於十暉

五絃十一暉

三絃成仙翁又

于七暉

五絃八暉三絃

相應仙翁者此宮

三絃為宮

角

五絃為角

兩絃之

所以明調而出于天然蓋如此此則泛音小閒調法又如

左手名指浮按七絃十暉食指浮按四絃九暉右手挑七

勾四兩絃而應仙翁次亦如法施于六三兩絃五二兩絃

四一兩絃皆應仙翁此則泛音大閒調法是以調絃之法
有三曰按曰泛曰散惟散調頗難必耳聰老練方熟其音
豈初學所易效乎故必先於按泛兩調法使其耳聰純熟
毫無差錯久則自能散調凡鼓琴未經動操先宜調絃古
人云不學操縵不能安絃蓋謂此也凡是初學必先習練
調絃之法然後學彈琴曲則取音自然諧叶若調絃不叶
徒彈成曲自矜能琴則其取音亦可概見善鼓琴者于其
調絃而知焉爾

曲譜字解

琴曲之音譜以彈按絃位各法字母合成一字寫於逐行
正中乃於一字之上中下左右排列各法以明其用者也
如右手彈絃凡廿六弗等寫於字上之中木戶勾等寫
於字中之中し毛等寫於字下之中如左手按絃凡太
中夕足等指寫於字上之左某徽幾分茲并載幾厘寫於字上
之右卜尤等寫於字中之上惟し寫於字中下之左凡第
幾絃寫於勾鳥之內或木肉之下至於才豆立上下等
則不寫列逐行正中註于正字下左右兩行假如譜寫
立上七者乃先用左手大指於七絃由九徽之下斜按也

至九徽止、右手手中指即彈入也、其絃也、七絃得音、後又左手

大指、仍於七絃須由九徽之上斜按也、至九徽止、右手中

指即彈出也、其絃也、亦七絃也得音、先後兩按、兩彈、共得兩

音、乘第二音餘韻未歇、左大指尚按在九徽、不可鬆指、離按不實速

上少許、急下九徽、止得一音、立也、上下速急而按著、實則有音、否則不響矣仍以

左手大指著實按上七徽九分二厘位、又得一音、上七也、九也再

用左手大指於此位、左右往來搖動、得音如吟哦然也、餘

仿推然、此一正字、并其下註五字、所用其按彈絃位各法、

甚繁、所寫其文、則簡而音該、洵為創造至妙之法、宜其流

傳奉爲圭臬也。知此曲譜字法，按照鼓之，不必常從師授。凡曲皆可自得。至于節奏，熟習自然而成。毋求欲速，則不達矣。另詳按譜鼓曲篇。

按譜鼓曲奧義

琴曲音節，踈淡平靜，不類凡樂。絲聲易于說耳，非熟聆日久，心領神會者，何能知其旨趣？豈初學所易得其音節乎？琴曲之音節，惟譜載而傳，從指下取得。古來指法字母，作簡筆省文，各譜大要相同，而少有異義。故必先明其譜中字母取音各法，然後按奏其曲，操庶得如其音節也。若奏

此譜之曲而用彼譜字母取音則於其異義用法不同者勢必音節相悖而不合務須各從其用也字母既熟于胸音節卽出于指然而初學未易遽得先從師傅指授數曲畱神習聽久則漸能領會再按照譜曲逐字鼓之連成句讀奏集片段漸可以完其曲矣但當按譜鼓時心手耳目四者竝用心先主靜目視分明手按準位耳聽宜聰一齊相需不可缺一每句取音字字要各分清如綽則爲綽注則爲注吟則爲吟猱則爲猱逗撞上下一切皆然不可彼此牽混忽略過去惟其音節頗難協洽時日用工彈至純

熟一旦豁然而致所謂丹成于九轉也切勿因一時未得其音節或畏難而半途中止或欲速而妄爲增減至成靡曼之聲且自詡得其意殊失希音之旨夫琴曲有同音三兩聲而一氣連者有分一兩聲而或續上或貫下者有三等聲而至再作二作者要不外于聯斷疾徐踢宕收縱一曲始終必得其綱起承轉合四者以成之予操縵卅年深究其音節妙在呼吸氣息閒不容毫髮之相閒有于一氣中得之有于半息中得之有畱一二氣息中得之各隨其曲之悠揚自得天籟之中節於是有頭板出音之際卽得一拍

腰板

出音之後甫得一拍

底板

出音將息時得一拍

餘板

音息之後再留一二拍

之分

必

須依永

即音韻也和聲如其音韻而歌和也

而後能合其節也

節板拍也

凡同

此一曲各譜取音合節彼此有不同者宜集而証之其繁

簡醇疵在能審辨濃艷悅耳世人多喜淡泊甯心知者自

得子於按奏瀟湘搔首水仙等曲初覺索然漸若平庸久

乃心得趣味無窮凡類此者可概知也予每按奏曲先審

其用何調

有轉絃不轉絃換調者當審其散按絃暉之位則知為何調矣

便知某絃之各

暉位屬何工尺逐字寫明按照鼓之依永

吟揉逗撞等音即其腔韻是也

歌之因是而得其抑揚長短之音韻竝得呼吸氣息之自

然而無不中節時習熟歌趣味生焉迨乎精通奧妙從欲適宜匪獨心手相應境至絃指相忘聲暉相化縹縹渺渺不啻登仙然也

念工尺法

宮商角徵羽變宮變徵七音卽上尺工六五乙凡七字嘗爲歌曲膾炙人口聽之易入耳也每字之音均有陰陽清濁之分因其音之連貫各別故於念之之際各有所宜之音皆出於天籟之自然者反是則不能順口而碍難相協矣如一上字念尚去聲濁陽或念相下平聲清陽或念賞上聲濁陽如一

尺字念且

上平聲濁陽

或念淒

上平聲清陰

或念淒之去聲

濁陽

如一工

字念公

上平聲濁陽

或念共

去聲濁陽

或念拱

上平聲濁陽

如一六字念畱

下平聲濁陽

同合字念侯

下平聲濁陽

或念候

去聲濁陽

如一五字念烏

上平聲清陰

同四字念絲字

上平聲清陰

或念是

上平聲濁陽

如一乙字念

異去聲濁陽

或念依

上平聲清陰

如一凡字念帆

下平聲濁陽

或念飯

去聲

濁陽其各音之三五字連者必閉以陰陽清濁之聲念之始

得順口相協適耳可聽琴曲之音亦必如歌曲者念熟工

尺緩急合節

古樂譜云木以節之即今之板眼是也

自得抑揚悠然之趣勝

於指上用工有事半功倍之益此其秘捷之訣也

按彈看譜架


琴曲以譜傳音由按彈出其絃之徽位指法細煩因減集成字而該之作爲琴曲之譜然雖有字而無義非可誦熟惟予秋齋兄能先閱記一段而後悉照其絃之徽位鼓出其音節此亦有夙慧而然不能強者也凡按譜鼓曲以譜平置琴前案上俯瞰而甚費目力見有臨字帖架製工巧復收之似書鎮展之如鏡臺以帖豎置之對面復平視製法以片木爲中柱長七寸濶八分厚二分兩頭各離五分中間長方孔濶五分孔內另以木兩片均如其長濶各頭

一厚一薄者兩相疊合共嵌孔內而平又於此內兩片其厚頭之一在上一下者由中柱左右側面各鑽孔各用銅銷作筭令皆可開闔其下一片平面上作數坎如級令上一片薄頭可撐住而成俯仰高低之勢又另用窄木片四均厚一分長如中柱濶半之分各頭離二分中鑽眼每二片以銅釘連而活動再於中柱濶面上下兩頭之左右各離二分鑽眼更以四面八分濶見方木二長於中柱二分各頭中分劃十字爲四小方形每角一小方也去其一角留其三角之小方此卽架之底座耳然後以中柱之下

一頭左右與各底座木之去角頭內亦離二分而分釘之。又以中柱之上頭左右與窄木片各二釘連者取其一片於未連一頭上亦離二分中各分釘之。各尚有一片未連一頭亦於其上離二分另釘銅片各一稍長出此木片頭上一分餘爲雄筍以便與各底座更去角一頭內離二分作雌筍以備展架之用。如欲令此架展闊備置寬體譜本可於窄木片各二釘連處再各加銅片如其長闊厚半之者左右各一而其釘之或更以銅片各二亦如窄木片連釘法式相續釘上。尤其推廣合用須知舉一反

三之意則於此中變通製法自能窮致物理盡善矣然凡
 鑽釘連處均宜活動可轉則便收展適用矣以此架豎
 置琴前案間對面平視便於按鼓無費俯瞰之勞也

展架式




中柱片



中柱內頭
厚頭薄片




底座二



窄木片



四片



銅片三



作椅
銅片二



考存琴譜

琴譜之書述作纂輯代不乏人然每多亡失蓋緣此書所集字母但明曲音原無文義可讀非若名人文集見諸詞句一目而知爲絕妙之文羨愛記誦畱傳不沒者也琴曲爲古調知音能幾人卽淡好此藝亦必按譜鼓之習久熟之而後得領其趣味況非盡人所好乎如藏書家僅畱數種以備一類業書市肆爲售甚少故置不多旣非廣傳之書更無翻刻之板因鮮久存致多亡失前代琴譜有見他書載錄其目每以未得讀其書爲恨予生處偏隅鮮所聞

見自學琴卅餘年來畱心搜求託友採訪僅得一十八種
近獲交武林王君吉甫迪操縵有年深究管絃音律喜得
同好出示藏譜廿餘種過半所同頗稱聚好惟乏予所得
琴苑周東岡琴譜二種今所罕見又聽真軒琴譜諸聲一
種付抄竝存以二香琴譜贈予知爲吳門蔣氏胥江文勳
纂輯載獲各家琴譜四十一種誠爲富藏二君生處文物
之邦接交通藝之士又能好尚古調肆志搜訪物聚所好
始有夙緣鄙意擬集二君各譜曲操盡付剞劂以免廣陵
之嘆然如選文本有異同尚費參考且此所難每曲必經

按彈始能別其醇疵須得三五同調竭數年月之心力較訂二百餘曲之音節庶可以成其善本豈得以空言爲易事也哉予惜未見蔣君其人其與王君所藏琴譜共五十餘種茲錄其名目載其曲操俾我同好知所藏聚優於訪求竊揣二君善與人同亦樂廣其傳焉然而數百年往皆爲陳迹後之覽者猶今視晉亦將有感於斯夫

大古遺音五冊伯牙心法三冊

明萬曆己酉金陵楊倫文甫撰

松絃館琴譜一卷

明萬曆甲寅虞山嚴徵天池撰

聽月樓徽言秘旨五冊

國朝順治丁亥尹璫芝仙撰

臥雲樓琴譜八卷

國朝康熙壬寅馬北辰雲亭撰卽自適軒較多羽化秋鴻二曲自注嗣出

誠一堂琴譜六卷琴談二卷

國朝康熙己酉新安程允基寓山撰

大還閣琴譜六卷琴況萬峯指法二卷

國朝康熙癸丑婁東徐猷青山撰

德音堂琴譜十卷

國朝康熙辛未新安汪天策撰

蓼懷堂琴譜全卷

國朝康熙壬午文昌雲志高逸亭撰

五知齋琴譜八卷

國朝康熙辛丑徐俊越干撰

松風閣琴譜全卷抒懷操一卷

國朝康熙丁巳燕山程雄穎菴撰

春草堂琴譜六卷

國朝乾隆甲子杭州蘇璟琴山撰

琴學內篇二十二冊外篇四冊

國朝乾隆庚午嘉善曹庭棟撰

聽真軒琴譜諧聲六卷

國朝嘉慶庚辰金溪周顯靜菴撰

自遠堂琴譜十二卷

國朝嘉慶壬戌廣陵吳烜士柏撰

峯抱樓琴譜一卷

國朝道光乙酉沈浩夢花撰

二香琴譜十卷

國朝道光癸巳吳門蔣文勳胥江撰

律話上中下三大卷

國朝道光癸巳休寧戴長庚古香撰

以上十七種吳門蔣氏武林王氏浦城祝氏收藏

正文對音捷要琴譜真傳六卷

明萬曆元年延平楊表正撰

大古正音琴經十四卷

明萬曆己酉建溪張大命右衮撰

陽春堂琴譜四卷

明萬曆己酉張大命右衮撰

理性元雅四卷

明萬曆戊午張廷玉汝光撰

文會堂琴譜六卷

明萬曆丙申錢塘胡文煥全菴撰

琴學正聲六卷

國朝上元沈琯撰

澄鑒堂琴譜二卷指法二卷

國朝康熙丁酉徐常遇晉臣撰

琴學心聲譜譜一卷聽琴詩一卷

國朝康熙甲辰三山莊
臻鳳蝶菴撰

研露樓琴譜四卷

國朝乾隆丙戌崔應階撰

以上十種吳門蔣氏武林王氏收藏

洞天琴錄一卷

明趙希鵠撰

古琴疏一卷

明吳郡虞汝淵撰

義軒琴譜二卷

明濟南張一亨撰

西麓堂琴統二十五卷

明嘉靖乙酉歙縣汪芝撰

琴譜正傳六卷

明嘉靖丙午黃獻仲賢撰

太音本旨一卷

明萬曆辛丑潞川申維岱撰

青蓮舫琴雅四卷

明萬曆甲寅雲間林有麟撰

思齋堂琴譜歷苦衷言一卷

明萬曆庚申崇昭王妃鍾氏撰

琴箋一卷

明東海屠隆撰

琴旨一卷

國朝南通川王坦撰

琴翼一卷

國朝鳩江朱繡撰

與古齋琴譜

卷二

考存琴譜

三

黃鐘通用二卷

國朝長白都四德撰

響山堂琴譜一卷指法一卷

國朝五山徐常遇撰

自適軒琴譜折微六卷指法二卷

國朝魯鼎撰

尹芝仙琴譜一卷

國朝尹暉撰平湖徐綱齋藏

治心齋琴學練要五卷

國朝長安王善撰

雅樂精義二卷

國朝蔡一能撰

律悟一卷

國朝吳熙撰

琴學迴瀾三卷

國朝魏塘陸臻撰

南悟琴譜一卷

國朝吳郡沈勳撰

春草閒房琴譜一卷

國朝太原王圻撰

以上廿一種吳門蔣氏收藏

梧岡琴譜二卷

明嘉靖丙午黃獻仲賢撰

步虛仙琴譜九卷

明嘉靖丙辰顧挹江撰

琴譜釋疑六卷

國朝康熙壬申魯式和撰

琴譜自得六冊

國朝康熙辛卯伊裔蒿子撰

集古琴譜六冊

國朝乾隆丙戌無名氏撰

青簾軒琴譜一冊

國朝嘉慶丙辰李崑玉峯撰抄本

以上六種武林王氏收藏

正宗八卷

明萬曆丙戌金谿周東岡撰

琴苑廿卷

康熙庚戌曲阜孔興誘起正撰

以上二種武林王氏浦城祝氏收藏

風雲際會

家藏本

岳陽三醉

羽化刪本

屈子天問

又名水仙秋塞吟

漁歌

樵歌

塞上鴻

瀟湘水雲

漢宮秋月

宋玉悲秋

搔首問天

梧葉舞秋風

碧天秋思

滄江夜雨

又名

滄海龍吟

地橋進履

佩蘭

倚蘭

幽蘭

陽春

和陽春

高山

流水

關雎

大雅

秋水

又名羽翔神化刪本

平沙落

雁石上流泉

梅花三弄

神遊八極

又名挾仙吟

春山聽

杜鵑 鷗鷺忘機 漁樵問答 客窗夜話夜話一作新語 蘇門

長嘯 陽關三疊又名春江送別 胡笳 搗衣一名秋杵吟 歎乃

神游六合又名驥氣 羽化登仙 禹會塗山 列子御風 莊

周夢蝶 墨子悲絲 屈原問渡 蘇武思君 禹鑿龍

門 卞和泣玉 孔子讀易

洞天春曉 谿山秋月谿一作箕 秋江夜泊 玉樹迎風 洞

庭秋思 梧桐夜雨 清夜聞鐘又名泣麟悲鳳 松下觀濤濤一作泉

漢宮春曉 醉漁唱晚漁歌刪本 梨雲春思 山中思友 玉

關秋思 秋江晚釣 蘭亭修禊 秋月照茅亭

仙佩臨風 九霄鳴佩 天風環佩 鈞天逸響

孤猿嘯月 雁渡衡陽衡陽一作瀟湘 烏夜啼 雉朝飛 雙鶴

聽泉 鳳翔霄漢 秋鴻 鶴舞洞天 鶴鳴九臯 雲

中笙鶴雲中一作瑤天 黃鶴醉翁 子規叫月 鸞鳳和鳴 鳳

皇來儀 猿鶴雙清 東飛伯勞 鳳來皇

琴書樂道 萬國來朝 八公還童 瑤島問長生

離騷 續離騷 廣寒秋 廣寒游 中秋月 風入松

泛滄浪 江月白 陌上桑 秋水弄 南風暢一名重華

引思親操 太平奏 樂山隱 安樂窩 蒼生主 空山磬

參同契 魯靈光 廣陵散 一撇金 弔屈原 懷水
仙

白雪 蒼梧怨 湘妃怨 昭君怨 春怨 秋怨 閨

怨 歸來曲 相思曲 栩栩曲 昭君曲 醒心集

古交行 又名雲竹榻 爛柯行 有回行 兵車行 相逢行

魯風 秋聲 頤真 商秋 采真 坐忘 招隱 隱

德 慨古 長清 雙清 九奇 西銘 蓼莪

耕歌 牧歌 楚歌 夏峯歌 扣角歌 南薰歌 浩

浩歌 幽風歌 接輿歌 襄陽歌 敲爻歌 茶歌

龍翔操 獲麟操 續獲麟操 九還操 炎涼操 思

賢操 遯世操 將歸操 三癖操 文玉操 古風操

岐山操 龜山操 拘幽操 越裳操 履霜操

神化引

引一曲

風雷引

良宵引

思歸引

懷古引

天

台引

華胥引

崆峒引

靜觀吟

山居吟

春曉吟

桃源吟

樂極吟

古琴

吟 修禊吟

渭濱吟

飛鴻吟

飛鳴吟

凌虛吟

會同吟

朝會吟

膠漆吟

清夜吟

水龍吟

清虛

吟 冲和吟

尋芳吟

澤畔吟

嘉遯吟

夢蝶吟

谷口吟 四樂吟 早朝吟 聽琴吟 聽泉吟 杏壇
吟 聖瑞吟 感懷吟 白雲吟 靜夜吟 習忍吟
太和吟 碧玉吟 白頭吟 斷金吟 耕莘吟 林下
吟 忘機吟 秋壑吟 篝燈吟 據梧吟 芻牧吟
九疑吟 盡善吟

釋談章 鹿鳴章 伐檀章 滕王閣序 桃李園序
赤壁賦 秋聲賦 陋室銘 歸去來辭 飲中八仙

製琴曲要畧

樂曲以音傳神猶之詩文以字明其意義也然字義之繁

累之萬千樂音則止此五二

五正二變之音

而已該乎人事萬物

而無所不備其爲音也出於天籟生於人心凡人之情和平憂慕悲怨憂憤悉觸於心發於聲而卽此五二之音也因音以成樂因樂以感情凡如政事之興廢人身之禍福雷風之震颯雲雨之施行山水之巍巍洋溢草木之幽芳榮謝以及鳥獸昆蟲之飛鳴翔舞一切情狀皆可宣之於樂以傳其神而會其意者焉是以聽風聽水可作霓裳雞唱鶯啼都成曲調琴具十二音律之全三準備清濁之應抑揚高下尤足傳其事物之微妙故奏其曲要能感人心

而動物情也。製琴曲之法，主先明題神，因題而合用某調，用音以節成句，讀句末應收入某音爲韻，而疊之句不盡用韻，可叶以生音，節優是板拍句讀停頓，其節之少息，息復起句以接之，起句節之首與前句息之末兩音必諧協，而無相奪倫，如不諧其音而若突起者，憤激之所發，其音蓋如此。句中所用音，不論連閒順逆交錯相宣，脈綺貫注，原無拘執，各出心裁以贊助之，千變萬化，莫非此音。雖同題共調，同收某音者，亦各成音節，未嘗雷同，其所以然者，因神由節定，節異則神殊，節之以關鍵變通其運用，故謂

之節奏此爲製曲所最要在是是必先於前人各曲操畱
心體會其題神用調用音節句收音叶疊接息諧突各法
爲大綱領又必兼明其綽注吟猱逗撞泛按清濁輕重疾
徐等用以資相濟初隨吾意所用之音節寫出其工尺聲
字以識之或吹或彈或詠歌以試之蓋吹之以管簫竿
笛屬畧
具乎大意彈之以絃備成夫體段又如其音節而詠歌之
始得其神情如是再三聽審或不協或失神則屢易屢改
務使抑揚抗墜至於圓潤盡善而後已全曲節奏始從緩
起漸漸入緊繁聚復踢宕開再作收結所謂始翕從純皦

繹以成之意。又云大曲必須三入慢。緊緊收從。卽在其中。
琴曲音宜古淡。節宜疏簡。句用疊韻者。非若昆曲纏聲之
繁促也。製曲又若臨池行文。能于前人用筆用意。諸法領
會日久。自然得之心而應之手。焉苟不竭吾心思。目力。繼
以六律正五音。則所製之曲。抑何古人之得若哉。